

泰雲堂集

泰雲堂詩集卷七

金鎖 孫爾準 平叔

把麾集

出守福建作

十年簪筆侍鰲頭敢厭

承明出典州

特勅不關臣乞外剖符應爲

帝分憂洋開黑水驚潛鱗地迫潢池喜佩牛肯薄淮陽誇卧治
單車先與課鉏鉤

雙輪南駛倣裘輕仍似當年下第行衣繡還鄉非素料焚黃上
冢感新榮褰帷自切求民隱贈策誰憐去國情一路經過山水
窟偷閒未輟詠詩聲

淮陽

百雉差差釜底懸
復興覲路傍荒塹
城中積潦多於地
隄上長淮迴似天
挽粟尙勞青雀舫
司農正費水衡錢
呂梁古道今誰問
遙望黃樓一惘然

題周仲序

鳴鶴

采葯圖

希文昔未達
注意醫與相
敬輿錄禁方
晚忘忠州放
乃知後樂先
憂心一術活
人齊得喪自
從索火燔青
囊已覺馮生
氣悽愴玉版
空矜三世傳
金匱誰書十
全上周君手
挈造化根結
束行裘問何
嚮千歲商芝
覬舊谿五色
農鞭餘斷嶂
石髓應隨王
烈餐柏脂更
值仇生餉中
夜曾聽二豎
言一垣洞見
三彭狀欲護
赤子成黎元
盡洗沈疴飲
醇釀我生中
歲苦熱惱一
宦南遷落烟
瘴儻容負笈
逕相從手結
芒屨須幾緡
但恐時需活
國方東

山久繫蒼生望未許攜鉏畫裡行彈冠早辦驪駒唱

時將
謁選

塘棲道中

青山澹晴姿桃花如暹燒窈窕望不極流光媚初照崖平新漲闊百里無奔峭桑疇閒菜畦人家隱蓬蘢蓬窗廢書坐沿流攬衆妙綠簑冒紅雪何人靜垂釣疑入武陵谿柴桑可同調

贈別周生

平生數交遊相識君最早君長齒初毀我幼髮未燥君時夸夙慧已辨琅邪稻我方媿童昏徒競江都棗重逢逾弱冠相覓各傾倒金蘭訂新盟牙筍喻式好青松色不移白首誓相保奈何役人事一去迹如掃十年爲此會循顛各衰老何年辦青鞋從君事幽討

平生數出處合併君最數狂歌遶海南痛飲迫河朔計偕邇清

淮聯轡望東岳洪厓御兩龍朱絲係雙珏長涂期共騁明堂待
同琢奈何甫通籍天海判涯角君去如冥鴻高蹈何卓犖我行
若駘駒世網嗟握齏名山有著述升堂待揚摧何年遂初衣載
酒從君學

平生數居址道里君最邇吳越雖異治逶迤僅一水心期苟無
隔視遠尙如咫尺具區襟兩州長風片帆耳自君徙臨安我到舟
輒艤藍輿吳山巔畫鷁聖湖汴聽雨翦燈檠弄晴摘花藥奈何
千里別經歲唯一紙不惜魂夢勞空歎年華駛何年卜歸田誅
茆就君止

平生數契誼肺腑君最密一別逾十年一見任三日三日詎云
久十年語難畢羨君富佳兒一一瓊枝茁怡然敬父執卽此覩
教術人生重意氣王事有程驛欲留不得住欲去安忍決知君

畏臨歧掩淚未敢出寄言重丁甯深恐此會闌前言誓不爽息
壤盟可必

桐江舟行雜詩

閑身曾記上吟船倚櫂重來過廿年依舊桐江清似鏡只將青
鬢換華顛

淺抹濃皴晴雨宜富春山好舫聲遲船窗挂起劣三尺一幅橫
嵌黃大癡

岌嶮東西峙兩臺竹如意折釣竿迴山前日日千舟過椒醕何
人酬一盃

一徑微茫苦竹緘玲瓏穿破夕陽銜垂厓老特眠春草知有人
家住翠巖

天半浮眉秀色分髻螺三角擁顏雲菜花圍遍山腰路繫著一

條黃繡裙

竹雞啼急午晴慳
烏石灘聲響珮環
溼雨溟濛窓不掩
推篷貪看睦州山

雲氣沈山泊棹遲
千檣風颭落燈時
魂銷暮雨瀟瀟裏
卧聽船娘唱竹枝

煙雲供養畫中行
最是斜陽畫不成
湍急屏開帆轉處
諸峯只放一峯晴

酒旗吹急隕棠梨
寒食風光客思迷
山色漸開江乍淡
郵籤前路報蘭谿

蘭溪清明

客路風光徧綠穉
清明孤櫂泊蘭谿
蕪平荒塚烏銜紙
花落長隄燕啄泥
地值他鄉憐節物
人從漸老惜分攜
子規啼徹春山

裹麥飯椒漿媿夏畦

雨中山行

螺旋千陞巧鉤通徐度籃輿入畫中微雨山容添蘊藉峭寒詩
思在溟濛方言鳥學恂語風信花開躑躅紅莫厭征涂行李
濕撲天濃翠勝晴空

仙霞嶺

青山失睡朝不醒仙衣低曳玉女屏飛橋跨空轉山脚水風吹
袂寒伶俜盤盤三百六十級二十八曲開岭豁輿丁躡步愁滑
澆苔痕自積鴻荒青牛嶺仁聽鳥語寂直上漸覺龍鱗腥思從
高處瞰六合豈知萬象皆潛形兜羅綿裹大千界俯首但聽衆
壑奔驚霆巉厓乍疑窺劍閣懸絙又似升井陘紅旗雙垂濕不
動關門畫闕鏘傳鈴想見無諸仁開闢經營絕域成戶庭螻蚘

藟生簞簞暗天意亦使隔絕中外嚴重局後來史浩夸乘傳梯
空鑿翠驅五丁

真人東來泰運啓重臣閭外揚

皇靈子陽倔強井蛙耳畫墁自大如拘囹一丸泥封詎爲固懸
梯直下水建瓴扼吭拊背正在此衿甲坐鼓甘灰釘百餘年來
遺老盡惟見折戟沈沙汀時清不復尙設險商販利涉無留停
我來媿乏孟陽筆叱馭未敢鐫新銘弔古無端動悲咤題詩聊
記吾曾經

楓嶺

梨嶺仍楓嶺衢州入建州灘波揚驚羽山石卧羊牛路暗頻穿
竹關高遠見旂霧村藏欵乃林鳥亂鈎輈小聚依危徇常餐傍
戍樓衣裘當午減花藥先春抽聞見驚殊俗馳驅感宦游卧治

長孺拙卑濕買生憂衰秀才原忝恩私媿未訓空憐稗海近無
路訪元洲

舟中作

扁舟隨陽雁日莫沙頭泊深林犬驚吠燈光漏茆屋坐久星已
繁散髮露如沐枕簟繞灘聲歸夢何由熟
朝爽客夢輕穿篷晃初旭人意快新騁天容引遐矚烟消衆禽
噪江清雙鷺浴白雲去欲盡相對春山綠

泊延平津

古郡雙流外扁舟日莫臨殘春衝瘴路薄宦去鄉心城迴笳聲
壯沙寒劍氣沈飛騰感神物往事托悲吟

大觀樓贈雷筠軒

維需

太守

郡樓憑巘嶠俯矚盡江灣地要帆檣集時清鼓角閑潮平雙劍

隱月迴一珠還坐嘯知君擅詩才未可攀

螺江道中

帆影天斜櫓罷鳴溪流送艦滑無聲篷窗卧看前山色如在九龍峯下行

扁舟夜泊建溪隈酒醒衾單夢乍迴最苦無端十年事忽隨篷背雨聲來

赴汀州

虎頭州近接西封二廣襟連介要衝才異晉卿嫺簿領性同叔夜悔疏慵裘輕幷未攜孤鶴灘險先愁說九龍若向謝公樓下過詠閑猶欲倚吟筇

清流道中

峭壁劍空忽雙裂陞道緣雲上秋碧瀑流下墜聲琤淙梭梭梯

田綠千尺架屋臨厓數家住客來髣髴桃源路雲中時聽一雞
鳴日落還聞衆禽語朱微愁吟行路篇蒼苔埋沒歸田賦亂峯
何處問郵程還嚮綠雲深處去

汀州

麻迴全闕野城荒半枕山田稀糧有芋女少俗多鰥春瘴千峯
暗斜陽一市閑鳥言頻訴牒愁絕語音蠻

西隅疊接贛南注水名汀蒨濕沙蟲毒柔高社鬼靈旛竿晨結
會蠶蠱夜傳經慚婉袁君正清風掃訟庭

題丁孟韓

嘉植

齋壁

龍山一角露前林荷芰花間倒影深結搆渾忘官舍裏經營識
自畫家心壁間樂石藍田記池上秋風白傅吟吏散晚來無一
事雙松流韻入瑤琴

曉望龍山

傑閣延清眺蒼龍北嚮蟠雨過千澗響翠落萬家寒何日支筇
去終朝拄笏看稱名觸鄉思九疊夢湖干

題三賢圖爲伊墨卿

秉綬

太守作

閩南理學窟山水秀所鍾道脈衍南宋

國朝暢其風榕村與梁村先後如于喁憲副

雷澤庭先生鑑

實親炙茲

誦開鼇峯當年秉衡鑑卿月懸江東學官立條約植基自童蒙

至今黃髮彥尙誦教養功光祿

尊甫雲林先生

稍後起奮跡追前蹤先

人歲已丑同見

明光宮嗟余生苦晚高門未登龍竭來逢哲嗣肅拜瞻遺容粹

然仁者質巖電雙清瞳旁有隱君子

陰翀夫

往日頻過從儼然一

堂上森立岱華嵩惜哉先正遠薄俗淪愚憲誰爲三里霧煽惑

連沙蟲奏獄滿讞篋投書盈箒節歐陽著本論無疾由中充陽
氣滿大宅百邪詎能攻止盜媿渤海興行慚文翁唯餘自刻責
欲効中牟恭式宣三賢化絕學在治弓俊民衆所式更祝揚州
公

題張仲友

金夔

學古齋印譜

追斯軼邈探琅題合向清時侍綠綈黃綬却來蠻徼外終朝鉗
尾一杓泥

少日終軍枉棄繻何曾銀鑄與金塗祝君他日垂三組左顧龜
文似孔愉

連城行館爲童一齋

積超

徵君題其祖若星

孫燦

潛志詩

帥

新羅八屬邑連堡最醇樸頗聞廿年前狴犴無留獄嗟余到官

晚填委紛繁牘亂絲不可治撫循媿民牧竭來問疾苦行縣見
遺俗豈惟民安敦亦覺氣清淑蛇蠁結崇峯鬱葱見喬木童君
此邦秀宿德著方幅

制詔舉大科茂異稱除目質行過齊魯經義邁轅服尤精太極
書深悟先天卜注易空諸儒十卦通姤復猶然語謙抑述祖用
自勗授我一編詩不厭百回讀旃香藹霏松風吹謾謾格高
凌寒梅品淡傲霜菊有德必有言柴桑比高躅采風遡本原丹
雛出菀啄詒謀孟遊勤勵志伯起篤期君劭先民還淳美邦族

樓中曉望

曉色靜高樓晨光未上鈎溪聲洶客夢山勢折春愁風景因人
異行藏不自謀雲羅歸雁急搔首修蠻陬

新寒

遮眼文書撥不開空堂如水燭花摧一繩歸雁秋催到半臂新
寒雨送來白髮明朝應滿鏡青山隨處好登臺授衣幾日黃花
節料理天涯濁酒盃

河田道中

破曉層峯散薄陰山程聊當愜幽尋新秧插後河流減衆葉生
時嶺色深每見耦耕懷舊隱悔將遊宦負初心莫驚官長相傳
詫擁邾重爲梁父吟

登武平天門山

險絕天門逕凌晨隱日車懸碓低礙路仄岸滑崩沙古廟無螺
相荒碕尙虎牙

康熙間邑人朱紹憲踞此作亂

莫令逃賦稅珍重問桑麻

武平行館寄丁孟韓

金沙城枕龍山半山色如環青不斷岡重嶺複糾莫分正坐未

從山外看朝斗巖側尋琳宮眼界初驚到來換朝烟夕靄態萬
千厯厯遙分支與幹全汀形勝在眉睫雉堞鱗鱗低可按山麓
梅花一萬株悅逢鄧尉支硎畔與君一遊亦偶爾撫檻低徊忘
日旰欲別更驗苔枝封重來待賞霜英粲漫將後約質山靈豈
意斯言竟河漢君行去踴晏溫山我馳爲勘員墩案郵程風日
正暄妍想見繁花浩凌亂無限羈愁待傾寫有如執熱思滿盥
六年京國嗟苦寒曉夢不聞么鳳喚瘴地久聞花事蕃叱馭何
辭向南竄一篇未詠何遜詩五朵徒煩韋陟判我生不晨逢角
張君何與世殊水炭浮生正坐一官悞歸計已熟千回算我居
射貴君蘭陵夜榜扁舟晨到岸提壺曳杖隨處宜竹屋僧廬皆
可玩結隣但令肆遊遨塵務何曾有牽絆食榮徇祿遂至斯墓
誓山移貴能斷東隅雖失行可追西隣有禰吾奚憚急迴歸轡

陟屺顏尙有餘香委叢灌莫辭卯酒罰盃深聊薦辛盤懽歲晏
詩成急遞付緘封一穗青燈爆孤館

峽口

峽劈奔洪急溪迴雜樹多危厓垂趾度巨石側身過行李嗟荒
微誅萌憶舊阿平生邱壑性到此厭蹉跎

雨後入梅園

積雨園關久乘閑偶一來虛亭三面水老樹半身苔高竹因風
折殘花帶濕開鬱蒸原不耐性僻重裘裛

幽齋

似舫幽齋卷碧紗閑園莎徑一條斜清機春引桐流露吉語朝
聞蕙吐花野客來評荔支帖山僧新寄壑源茶漸長晝漏渾無
事坐聽蜂聲放兩衙

藍屋

有水眠俱淨依山氣欲秋
清暉能冉冉客路信悠悠
薄宦違青眼浮生付白鷗
詩成猶嘯傲發興已滄洲

杭川

積鐵森高硤驚洪落跳波
片帆穿浪出雙槳撥雲過
後嘯風猶隱蘅香露漸多
數家成小聚繫纜傍陂陲

雨後繞道山中境甚幽曲

崩流壞道別尋蹤新霽山
程轉鬱葱雞犬數家雲氣
裏松栢十里水聲中已教
圖畫張秋色更遣笙竽亂
晚風振策長歌紫芝曲地
幽應遇鹿皮翁

迴龍

喚艇迴龍渡江清曉色前
山寒初上日墟遠淡含烟
節候逢殘

臘風光似輞川役車行未息愧對白鷗眠

宣化道中

千嶂繞平甸高下共一綠灌林間禾黍深淺各以族清溪護瓜
疇黃花帶茆屋新秋出渲染媚此行旅目野老候近扉童稚隨
遠牧睹此盈甯象定有敦龐俗前來米賊誅昨歲缺徒戮至今
費爬梳赭衣滿犴獄豈其盡無良母乃操已鑒斯民誰之司顛
擠忍此酷至治崇本原俗吏勞案牘寬猛各有宜良箴思太叔

湘洪廟

湘洪淩涉每停旌猶是金沙半日程峽轉灘聲全入廟地開山
勢漸越城赭餘斷嶂經春燒綠繞輕犁趁曉畊劇愛此邦農事
早燒燈纔過鷓鴣鳴

自汀州登舟赴漳州作

客路清江曲官船黃篋蓬百年循短髮萬里逐飛蓬秋老江花
白宵深驛火紅安仁況多感倚棹泊西風

題墨芭蕉

一叢舊展吳天綠新見著花紅簇簇畫師有意出新奇別染螺
烟忽盈幅敬宗贊後休文彈世間好惡隨轉燭看朱成碧本無
憑佳藹何心任榮辱昨宵涼雨滴詩心愁思離披秋滿目夢入
山堂礪戶寒騷人鳳尾裁新服

漳州監司廨有碎石壘爲小山上植大榕樹絕奇

誰將百拳石累此五尺阜古榕森株柯百丈植其首盤根不入
地但覺石罅走周遭禪絡之緘石爲械紐無石樹何依無樹石
散久爲閭石與榕二物孰先後不見斲山人難招種樹與功奪
造化奇此理竟難剖母乃熊宜僚欲試累丸手憑誰質然明松

柏生部叟

漳南道中雜詩

草際霜華澹欲收，清溪曲處一村幽。
筍輿殘臘南州路，萬樹丹黃似晚秋。
蒼翠遙從一澗分，幾家茆屋倚山垠。
午晴一道炊烟上，直到峯巒化作雲。
忽聽輿蓋雨潺潺，斑竹窓簾欲上關。
細驗風來自何嚮，獨留一面看烟鬟。

赴邵武道中作

暫拋百冗不相關，一路肩輿且看山。
事到艱難翻澹漠，身因行役轉蕭閑。
重陰覆野寒逾曠，殘歲隨波去不還。
一笑郵亭慰寥落，梅花未改昔時顏。

詩話樓

城外清流繞碧渠城頭高閣迴凌虛朱欄客凭飛鴻上青岫春
迴霽雪初嘉話已成千古事瓣香猶奉一編餘誰能更與追前
躅襪被同來聽夜漁

重過伊墨卿秋水園

省醉黃墟一欵關沿緣莢汧帶荷灣
營邱畫裏移來樹靈運詩
中詠過山汗漫爲魚莊
叟悟淒涼化鶴令威還
不須更聽隣家
笛照影寒冰涕淚潛

和張堯山

汝驥

觀察過秋水園用墨卿韻

壞壁重來覩舊題天涯鴻迹印沙泥遙山亦有傷心色
澹翠如眉向戶低

招隱清歌拂水湄桂枝樛曲破疏籬知君重到平岡路
定向人

聞泣路歧

墨卿劬於揚州

欵竹剛逢歲欲除臨江穿逕臘幽居却從化鶴歸來後尙接男

青女紫書

余昨歲得墨卿書計其日月已在捐館之後

鋒車攬轡著鞭初無那巫陽下玉除太息侯芭重載酒謂猶子營書

一觴回酌子雲廬

新正五日陪成果亭司農

格

陳雪香少寇

希曾

繆春香李

勉菴蘇介堂遊熙春山卽和少寇元韻

花間小隊快從公虛閣欄憑積翠中春逗梅梢開霽日

前一日雨是日

晴座霏蘭屑轉光風兒童喜見瞻唯駐夾道瞻仰儀從者甚衆

簫鼓懸知

蔀屋豐拈得后山香一瓣滄浪詩話敢爭工

城東詩話樓記

記接班聯侍罕梢履綦碑影軼全拋乘春柳色侵行幃聽訟棠

陰徧樂郊東閣開尊溫舊話

官京邸時常從司農同寇文酒之會

西曹傾蓋締新

交李廖皆舊識

雪泥縱說前痕在阿閣何年掃鳳巢

李勉庵秋部讞獄歸途以詩見懷依韻答寄

海國春隨使者來青天白日覆盆開樊蠅徒亂盈廷牘市虎難欺折獄才銜

命君無慙簞節拂衣我願返蒿萊中宵急遞傳新什想見挑燈手自裁

登邵武城樓周櫟園侍郎守禦處也

分陝南來赤羽馳籌邊慷慨重登陴宵烽火聞清嘯變色風雲待賦詩遺愛猶留三老語閑情尙葺兩賢祠樓祀嚴滄浪藏石屏櫟園所營也枕戈如有燕山夢記否千門受箭時

題洛神賦後

通親求試屢陳情詣闕猶聞負鎖行何事玉鏤金帶枕忽從歡

宴齊承明

翠羽明珠戲洛川
美人香草託纏綿
豆其已是相煎急
却許君王賦感甄

曉發童坊

策馬童坊路嚴霜
拂曙袍山寒雲自擁
人去月初高
殘歲行將盡
浮生莫道勞
清溪無曉夜
送客響波濤

山行

石路犂确山崎嶇
春容尙淺寒容深
羣溪片雲挾雨意
隔花一峯含畫心
垂鞭誰識獨行客
接翼無數歸飛禽
峽流泠泠響暗水
似欲答此邱中吟

微雪

微雪洗山骨
曉晴青更滋
澗平生浪溼
村冷上烟遲
客路終無

盡春歸定有期
流澌豔陽節不爲冶愁思

赴福州作

省符侵夜來輕
裘詰朝發羣山
走頽浪逶迤出
復沒郵籤歷一
程期嚴安得歇
中宵亂清谿人
馬同一筏牛渡
流金波峯巔上
圓月清輝融心
神涼影鑑毛髮
啞啞驚鳬鷗遊
泳水精窟顧此
忘疲勞妙景逢
倉卒徒御亦裴
裊微步蔭林樾
束苴旋相催登
輿去超忽

清曉聞郭公飛
鳴在高柳日南
農事早簷空徧
東畝相呼看使
君釋耒聚童叟
停輿相勞問聞
言輒領首方音
苦未達意亦通
八九依依數里
間殷勤意良厚
醇風念懷葛去
此如未久新令
嚴詰奸編保爲
除莠奉行失苛
碎搜括到雞狗
養民如養魚涵
育資清瀏頰尾
魴已勞頻爲發
其笥所憂山壤
瘠苦歎星在留

左翼而右殮異說安得誘富教在有司伊誰執其咎

春山碧無罅脩篁雜深樹朝陰弄輕霏冉冉生綠霧舍與策孤
筇苔磴蹇余步不辭登陟勞頗愜尋幽趣危崖忽雙裂其下梯
田布飛流不須剡蜿蜒相灌輸雲中聽雞鳴茹茨數家住指點
疑仙都武陵何足慕我豈無舊廬早歲嬰世務淒涼行路吟埋
沒歸田賦出谷媿饑劬午郵聊小駐

江口滙衆溪一雨波驟長吳兒習舟居變計買烏榜已厭山行
勞篷窻恣偃仰俯視竹箭流觸石奔雷響計程越三百解纜纔
一放豈意逢石尤相竿吹五兩袖手看來帆終朝傍荻蔣流行
與坎止前定安可彊逆施競人力進尺退必丈況涉不測淵操
具恃兩漿壯趾易所占習坎此其象破浪會有時聊借息塵塊

雨中至順昌示何令尹墨溪

蘭汀

夾嶂溪迴萬竹長，愁霖乍歇翠淋浪。
人穿雲霧歎苔磴，水激雷霆冒石梁。
聯臂時逢爰下飲，澤毛恐有豹深藏。
故人高義如孫宰，醉裏題詩感瘴鄉。

守灘

高灘挾雨建瓴來，倒拔龍湫起鬣雷。
一掩一重山翠繞，三朝三暮浪花堆。
篷窗俯處城闌閉，棋局關時枕簟開。
喧極始知人轉靜，一甌新水瀹玫瑰。

樹

偃蓋江干樹，行人息影偏。
不辭枝屈曲，終得蔭婆延。
穴蟻心原苦，騰虬力自堅。
拂霄看咫尺，毋忘角弓篇。

自連江赴定海作

豈不知難官有程，危途辛苦事農征。
地窮路向嶠巖覲，潮退人

戶收蟹蛤當春餅竿

洋盜蔡牽未靖時
定海被害最劇

檣櫓陰濃蕩樂歸船孃攜鬢倚窻扉一生不著鴉頭襪捻把籬條當地衣

兒慣香淫六柱航雙寶髮髻圖衣香幫衫梳裏粧全別可是吳
兒木石腸

赤龍躍起芒碭雲羣雄儼景爭攀鱗閭君佐漢不佐楚眼識真
王成殊勛錫封東冶仍遺服右旗左鼓開基局誰憑巨漭築高
臺釣絲下拂茫茫綠傳聞餘善王諸孫吞漢不識天王尊真龍
豈受豫且困空煩六情沈絲緡骨肉相殘終覆族遭黎盡徙長

淮曲窟室曾交魚炙鉞廟尊誰認狼牙鉞賸有英風冠海隅傳
芭薦醕走靈巫卽看桂府黃蠶逐何似昭陵石馬趨走圭鳴鼓
羣祈請黃梅十日雲無影安得長竿卷海波一霎秋原三萬頃

崇安令汪樹滋惠武夷茶賦長句寄謝

南遷何物誇向人壑源早茗楓亭荔新羅三載如繫匏舌在何
曾識風味陳家紫香六月初歸騎今年走相避武夷僅隔一樵
川岑籠連翩供俗嗜小鎔徒聞社火前外焙誰辨沙溪僞穆陀
樹木仙人種玉葵絕品何由致白絹斜封赤印鈐故人爲遣軍
持寄雙併氣潑香雨濃一旄色卷春雲翠活火自學黃衣煎試
水頻傾紅玉器清凝蘭露欲搜腸響沸松風初破睡漫道詩情
合得嘗擲與麤官真自媿歐公拜賜明堂齋寶惜龍團敢輕試
東坡珍重密雲龍明略當年猶忝次我今七椀意未休浪說品

題能默識能仁院中石巖白只有君謨悉原委至今聞說清隱
堂精奇尙屬山僧祕安得身行鐵鎖橋天柱峯頭望奇字逢君
政成正清暇采茶聲裏傳呵至宴罷紅雲訪昔遊烹來綠雪消
殘醉時清方貢皆罷停盞點茶官醒彫劫願君勿學何易于驚
雷一炬無遺利

言可樵

尙焜

寄示張春荃司馬手蹟其子雲巖所藏也爲

題長句

六紙家雞題庾翼鳳閣流傳寶章集盧諶世守有專門伯英遺
翰知誰及春荃司馬筆有神尺書郵寄何殷勤帶劍猶存故交
思鑿垣已識諸郎珍開械十字光錯落矯欲騰龍紆翥鶴撮襟
何似金錯刀畫沙中有元和脚沿溪磨厓清且雄凌雲斷扁規
模同隱鋒自就一家法臆磔盡含三體工想見題輿寄高躅中

山鬼穎千雙
禿判牒從揮
張旭豪朋箋
盡弄陳遵牘
我來稍後
空復情曼卿
已返夫蓉城
散落人間有
神物鸞飄鳳
泊猶縱橫
平生嗜好誠
知蔽腕屏自
媿嚴家隸相
對何如索靖
碑布毯欲
教三日憩好
與楹書共護
持鳳雞何自
別虔慈他時
題品奎章
蹟鑑定還須
米虎兒

寄題王子若

應綬

耳畫室圖卽送其歸太倉營葬

國朝畫手誰第一
司農家傳太常筆
石谷旁分一瓣香
茶磨井東相間出
蓬心太守截衆流
愛寫瀟湘兩厓碧
尺幅珍藏比獲麟
慘淡煙雲忍磨滅
蓬心先生屬續時猶寫尺幅見寄
至今藏篋衍中蓋先生絕筆也
邇來寂莫三十年
西田樹老秋蕭瑟
公子飄零到海陬
腰間寶訣無人識
都亭車騎自雍容
令君賴有臨叩吉
謂可憐
鳥石山前一遇君
風調烏衣過江客
萬疊青排可遠樓
蠻烟瘴雨供晨夕
自寫

江南一髮山却將耳畫題傳室朝來寄我一紙書鐵鹿惱人歸
有日點染邨莊黃葉圖規矩高曾見標格筆端無數好峯巒如
此青山不埋骨太息東西南北人一舍牛眠向誰乞古人高義
今已無梁先絲絹堯夫麥媿我徒懷挂劍心問誰更抱生洲術
紅簫隴下會相逢瑯邪門第滕公宅

送包山六兄之菊才五兄青陽任所時兩兄有季弟之痛
爲有鴿原痛增懷雁影單間關從仕宦衰莫屬艱難夢裏九華
路愁邊八節灘到來秋欲盡却話瘴鄉寒

泰畤詩集七

泰雲堂詩集卷八

金鑛 孫爾準 平叔

正筴集

題言可樵連江謠

元魯山歌于薦曲白太傅製秦中吟九重特賞紫芝宇十篇持
作丹宸箴告勞小雅義所切祈招自昔傳悵悵軒不睹采風
使民間疾苦定銷沈言君世有弦歌譜牽絲偶到鼇江潯邑人
自醉建康酒令君但撫神暉琴誰知却試霹靂手寂照徧徹琉
璃心除暴何殊渡河虎剔蝨有類穿書蟬況復家傳擅文學新
詩脫手聲鏘金窮形盡相語必肖取象譬物思何深積年痼疾
一朝起不異病痿逢團欒時苗去官置牛犢仲昌報績翔鸞禽
我曾親歷聽與誦循吏口碑傳至今乃知出治有原本佳什載

誦心欽欽怪君量移在赤紫種花十載今成林烹鮮爭思爲漑
釜製錦共服工穿鍼胡爲一官著戶限驂騑欲度徒駸駸母乃
斯民卧車轍春風久戀甘棠陰卽今上游急才彥貢闕正爾求
南琛佇看雲山韶濩句譜作清廟朱絲音

哭李鄴齋

廣芸

方伯

豈真造物忌名高無那難防笑裏刀已是含沙工射影更教抵
隙善吹毛歌成黃鳥身何贖賦就青蠅首重搔慷慨杜陵男子
語肯隨牽率詣西曹

萬口如碑瑱不聞鏤金猶欲證彈文謗興惹苒原知枉香烈椒
蘭竟自焚定計有堂深偃月呼冤無路蔽浮雲寢門一慟烏能
已師友情兼合屬君

數行決別已聲吞臆背方知獄吏尊罷市徒看旛共舉

潭汀二郡奔赴

會城哭奠者數千人傾巢幾見卵猶存君一子年甫十君如子產衆人母

我媿張堪知已言欲答秣陵書一紙巫陽何處爲招魂

闔闔門高聽自卑

詔從民志速郵馳疏入許聽民立祠錢共立藥公社插竹爭趨寇

相祠白馬朱衣徵夢兆時有夢君爲漳州城隍神者春援秋鶴繫懷思何煩

更畫遊仙像民間爭畫君像俱不神似好爲君茆第二碑

王春波作畫四幀見寄詩以志謝

春波之畫不易得堆案襪材慳著筆朝來寄我四幅圖此意甯
止千金直畫中春物何披昌黎奴注目春駒忙赤鯉游空去罔
罔已覺流水桃花香忽然換筆寫秋色杜陵詩句心能識想見
含豪倚閣時悟徹雞蟲忘得失旁觀歎譽不容口指數淵源較
儕偶古人已度白陽前同時肯落張敞後舉世皆知重彩豪一

官尙自淹黃綬絕技常遭造物嗔片縑自定千秋壽聞君自畫
荔支圖王子若言君爲汪公子均之畫荔支圖人物工絕就中人物尤絕殊相煩更染
吳衰筆邱壑中間置幼輿

題王子若畫

高閣橫窗拓曉寒長虹遙瞰卧波寬肩輿每惜匆匆過却向圖
中子細看

漁莊蠡舍接波平木槿開時嫩綠生最好晚來烟雨裏一簑愁
黛不分明

小艇何人打槳迎早潮晚汐不勝情長橋南去波聲急多少鴛
鴦夢不成

乍涼

乍涼白袷試新裁簾卷高齋向晚開初月窺人簷際入好風通

道竹間來濟時事業嗟紈扇投老心情付酒杯獨愛海秋天色
遠明朝策杖釣龍臺

題劉玉田印譜

西京教僮學急就兼凡將能諷九千字試吏習飲章俗學守章
句殘棄爰與倉遂令簪筆彥臨文昧偏傍穿錐干逆上屋角金
相當何況齧扁書昂茲復箕張劉君工繆篆記字過未央雕蟲
詎小技雅故函三蒼鑄銅試撥蠟切玉等截肪古鼎肖敦牟漢
瓦墓香姜森然刀屈鐵作作生寒芒頗疑斯邈鬼腕底相迴翔
溶溶花乳石豈足禁鋒鋌饑來不可煮逆旅徒傍徨不逢沛國
桓安識西蜀揚自攜兩侯芭腕力亦頡頏我媿櫟園空爲君記
行藏買菜更求益贈貽溢膾囊晶銅磁竹骨平銳脩圓方蛟螭
互盤屈秦漢劑柔剛君家南海陬送君還故鄉因君思舊遊簡

今古之狂民黎簡遺居百花村別逾卅星霜猩紅有小史儻復存
縹緗一符如繫肘足勝千金裘

晚酌

竟日勸塵事把盃初月沈那逢千日酒空抱百年心星覆池光
定林斜燭影深不知更漏永涼思滿秋衿

送阮俞還里

獵獵旗翻夕照寒牽衣重爲立江干新秋更念歸裘薄垂老無
如此別難孤劍遠行千里道扁舟去觸萬重灘菊花香裏柴門
近一紙平安寄我看

戊寅元日

昨宵香散土牛塵曉色雲開歲更新寧堵香仍留故事屠蘇酒
已讓先巡笑談漸覺兒童避筋力翻愁禮數頻細嗅梅花重惆

恨南州彈指四回春

爲甘滋蒼題其師陳秋坪

登龍

司馬遺札

秋坪老人生未識每向屏風見遺迹天梯百級掃蒼寒愛寫青城好山色青城地接劍門關宦跡疲驢日在還居人不識是官長歲星游戲來人寰歸去扁舟落吾手麻糍肯向長安走已識揚雄學閉關却喜侯芭能載酒一編手澤重球瑛短札長篇意致清相對猶欽典型在見此增人師友情更有遺編誰論次琅玕百幅蠅頭字他時藏弄學香山匡廬深處東林寺

言可樵招同陳士竹

姓

遊望海樓

舊爲耿藩別墅

望海樓來不見樓平田但詠乘油油膽從朱邸窺遺趾誰向青門說故侯小巷尋常春燕入廢池依舊晚潮流東風似識滄桑意冷禁花枝不放愁

陳士竹示見和遊望海樓之作仍用原韻奉答

新得詩名出倚樓更煩劇蹟寫杭油清遊寒食期重過往事輕
烟散五侯花勒小紅隨思發水開新綠趁盃流興衰轉燭何堪
問一醉能銷萬古愁

答言可樵見和遊望海樓之作兼訂後約仍用原韻

孤亭遙瞰當岑樓小坐芳茵翠潑油看竹何須諳地主搏沙無
復問通侯官閑況是逢佳節園好尤宜合勝流後約禁烟須果
決要防風雨替花愁

春晴

春晴近午意尤快物態相忘兩不嫌微覺墨香生石硯絕無風
影靜牙籤蟲粘花繭細懸樹鵲踏竹梢低入檐開裏始知芳晝
永幽窻一任老夫潛

雨

雨瀉垂簾瀑雷驚殷地車連宵聲未歇向曉勢頻加屢出楹間
菌孤餘葉底花已聞農父歎麥穗卧泥沙

爲陳士竹題文徵仲書卷

平生三絕書畫詩追配鷗波無媿詞忽炷涪翁香一瓣繇來能
事在多師

椒盤獻歲早春天不紀正嘉第幾年想見玉蘭堂裏坐紅絨衣

帽曉窓前

詩云狼藉椒盤覆酒盃坐消香篆撥爐灰歲同燭跋

意早梅開老來無復窮
堪送潦倒虛文不用裁

送陳士竹赴浦城

陳君至性人恬讓信交友美如穆質酣醇若公瑾酒百里宰赤
紫一命淹墨綬到官人盡趨子行胡繩後況聞道南鄉遺俗亦

頗有前歲君下車善政在人口但懸蒲路鞭不試霹靂手催科
自書拙繆屬競擔負決事中員程法吏惡授受樂藹百城表國
僑衆人母巖疆論優調哀然當舉首八閩六十四州邑刑法課稅能中功議者君一人而
已上游急此賢符檄已銜袖出疆尙二宿可以觀所守春江送
行舟東風一枝柳戒涂君勿遲竹馬候已久

題馮紳泉

顰

觀察渡海圖

華嚴世界婆娑洋三十六島傳開皇草雞夜鳴鼠拍水天啓
聖瑞威遐荒蒼龍渡海五百載丹霞拔起成金湯瑞鸞殷賑一
都會百賈輻輳泉與漳鹿皮稅輕歲增戶粵民鼎立開官莊爨
起巴人訟田芋隙同楚女爭邊桑奇贏彼此競雖未睚眦報復
尋戈鋌官司禁諭不可止飛書插羽徒蒼黃誰能談笑靖鋒鏑
君自請行慨以慷高秋八月鷺門島龍驤萬斛騰軍表神飈扶

梳一針送馬銜前導天吳藏颿轉風雲自開闔湖迴天地相低
昂十三更路瞬息達花臺夾道迎庭幢大開恩信示禍福清風
一掃無蜩螗十旬擾攘片言定爭把農器拋櫬槍至今雀息奉
約束風采尙想埋輪張歸舲寫圖見閑暇梳樓踞坐神揚揚干
夫共膽乍出險凱歌嗽噪雲蒼涼立功絕域丈夫事平生志願
粗能償彼何人哉傳介子我欲從之馮野王醢雞自媿見聞隘
何異河伯誇大方題詩放筆心魄動波濤隱耳聞雷硨
爲言可憐題燕子磯圖

王謝當前野草荒南朝何處問興亡唯餘燕子不飛去閒向江
頭晒夕陽

記得僧樓磬響邊收帆恰在寺門前青山畫裏還如舊一別江
南十四年

八月初十夜闌中寄邵子峯

秉華

此文文昌景最真中宵孤坐默懷人一家自製新翻錦兩浙羣
推老斲輪學問成原在遲莫功名得莫厭艱辛燭邊正敘珠來
去想見花開筆有神

十六日登明遠樓

雲物淒清入倚樓霓裳奏罷鎖闌幽山形繞處盤龍虎劍氣沖
時動斗牛路識浮查天漢近香飄叢桂月波秋當年辛苦猶能
記難燭三條夜未休

醒來

客裏霜醉歸嗒坐對孤燭一甌春茗香就枕夢先熟睡中遺其
身萬事付冥漠醒來燈已殺牕雨響修竹

題陸儀吉花卉

百種花枝一幅牋
衆香國裏度流年
長紅小白光風轉
似讀睢南第五篇

沒骨圖成粉色輕
近來都仿草衣生
愛他下筆工勾勒
尙有黃筌舊典型

題馮紳泉授經圖

高密昔多男人各授一經
冬郎最小兒雛鳳聲尤清
羨君花甲年蚌珠歸甯馨
憶預湯餅會先試啼聲
英蘭瑜茁其芽頭角漸
崢嶸偶令叩燈盞夙慧辨
四聲誦詩了瑟僊退之
夸其嬰封侯祝衮師樊
南盼早成君家都憲第
駟馬開高閣勲業爛

國史世澤傳趨庭根柢在
經術綺歲先專精真見
題繼環肯使公慚卿
說桂手中折韋編膝前
橫口授肉貫鼎背誦水
瀉瓶何論異日事青雲
滿前程但看圖畫裏已
慰桑榆情

館師劉信芳少宰讞事聞中

恩晉都憲還朝詩以志別

五見南州柳色青春風回首憶元亭
薺荒何自瞻卿月分野欣
占動使星負弩祇今趨謁舍
校文記昔鏤寒廳巢痕掃後塵容
改立雪重來媿舊形

鄒魯徒聞說海濱
睚眦箕帚動
狴狴渠鶴膝家成俗杜律皋
謨筆有神讞篋平反矜解網懲奸風
采肅埋輪要看萬物昭蘇
氣驗取歸興一路春

尺一天書下紫霄
喜看紋冕映蟬貂
韋平世業傳三葉
海岱高門冠

兩朝持節人才歸藻鑑
舉帷民俗入詩謠
六卿陟徧新銜峻
一角神羊屬趙堯

追隨何意得天涯三度頻看桂魄斜供具食單餘菜把歸裘輕
舫趁桃花感

恩北闕初承

旨拜慶南咳乍到家恰值泥金新送喜馬撾門外語聲譁

午睡

浮生隨地可安家莫遣芳樽負物華老至何煩爲日計醉來渾

欲忘天涯霜柯神護唐人蹟

侯官大湖有唐天祐年書鐫枯樹上至今猶在玉鈔僧緘

宋代茶

崇安宋代茶樹尚存

午睡乍回芳晝永小齋幽事賞心賒

題畫

斜陽照空翠秋色淨如沐幽人晚逾閑倚杖窮遠目巖前不盡
楓籬下將殘菊村居有如斯誅茆就卜築

飲李夢石觀察三山園

逕迂通竹柵亭小縛松毛寫影荷潭淨窺巢蘭閣高杯盤煩屢
徙登頓總忘勞後約逢新雨翻溪看雪濤

春日陳恭甫以小除夕病中絕句及病愈長律見示卽次
其韻

飛騰莫景事紛拏幡燕陰中歲又除閑閣未知居士疾開年但
訝故人疎流鶯頻與催丸藥鬪蟻還應滅著書惟有夢中春草
色却逢昨夜雨鳴渠

幸遣門生議鮒胸狶苓輕試不貲軀龍方驗後知逾健鶴骨甦
來想更臞貝石書成真達觀釣天寤後復何虞憐君最是烏私
切一笑高堂得至娛

爲聞藍樵題畫

九九新甫姿勁挺千歲質春風不肯花歲寒有佳實仲寶棟梁

器肯構基作室脂葉匪療饑終當宿鸞狴

柏悅圖

蒼龍露頭角翠鳳垂羽翰東頭鄉思深日煩報平安春風北堂

上清陰鬱檀藥干霄茁苦節珍比青琅玕

竹安圖

趙穀士

在田

同年惠通印子魚賦贈

昔讀荆公詩風味羨解魚登俎卧長劍三印通有餘或云失其實博物公偶疎流傳襲謬誤下逮黃與蘇通應及顯應辨說遂紛拏空煩好事者斷扁臨清渠又謂鱗別種鮐鮓名互呼自非磊落人箋注徒區區風靡想時尙寶筵珍腹腴揭來越四載未見登庖厨退之厭南烹頗訝前言虛朝來食指動詩人走長須開笥鹽透白脂膏滿其軀呼童佐小酌筆以筍與蒲一飽若填塹廢箸還嗟吁此邦數珍產丹荔壓番禺紅鹽與白曬入貢由祥符水遞進黃柑鶻籠走酪奴口腹安可窮不脛已風趨差幸

道魚蟄踴地未出租儻爲使宅供誰詠礪溪圖小蘇未宜獎盛
名不可居作詩報佳惠斯言母乃迂

食荔支

芳園曉啓樹陰長買夏相尋十八娘翠羽低垂丹實重絳襦初
脫玉肌涼仙盤甘溢醅醑露天乳香流沈瀝漿方物更誰堪伯
仲黃柑西路摘新霜

荔支答糜朗峯

奇瑜

廉訪

海山仙人十八娘絳襦中單紫麝囊人間溽暑那敢近火雲自
熱冰肌涼族蕃品衆孰稱首方紅陳紫兼宋香君謨好事創譜
例興公比玉爭評量紅雲社開龍噉樹買夏第一西洪塘王家
老媼抱樹泣斧痕微斫如螳螂西禪中冠僅兩樹綿歷千祀身
半僵

西禪寺中冠荔支兩樹
尚宋時物今半枯矣

流傳雖復侈掌故名實久已殊否

臧邇來物產變風氣絕品乃數興泉漳櫻核薄如海獅掩草坂

社前尤擅場肉尤稱名無乃鄙水精作球白玉瓢

近日以南靖縣草坂社所

產俗名肉丸子爲最其核僅一薄片狀如海獅之掩十年徒向福唐任但教耳食非口嘗

楓亭十舍差可致色味已減風露芳況乃紅塵騁飛鞚繫繫丹

實徒盈筐空令玉頰左車損青驪西狩嘲郎當天生尤物不遷

地上林移植難爲良輕紅挂綠伯仲耳左袒各自私其鄉我生

閩越徧遊歷獨欠未放瀟戎航探驪得珠餘可棄口腹有願粗

能償感君不食摘贈我問我何味堪比方江瑤柱好終不類況

西馬乳南諸楊坡公妙語強相匹得母時老儕韓商西施不必

問名姓何苦多事分低昂但當飽啖三百顆內熱還飲甘諸漿

月夜登于山頂

絕頂疑冲舉高臺抱蔚藍銀潢秋曳練金鏡晚開函鴻雁九霄

斷山河一氣涵仙蹤空有慕涼髮不勝簪

題邵二雲師日長山靜圖卽送哲嗣子峯還浙秋試

爾雅臺荒鞠茂蔬更誰博物注蟲魚藝傳絕學蒲輪召名稱儒
林竹管書束筍鑿楹遺稿在長松遮磳落陰虛一燈問字猶能
記籀外雙籐影綺疏師京寓有雙籐籜

一別京華頻轉蓬相逢何意十洲東史才更屬劉中壘家學爭
推鄭小同失路衫仍鷗鷺白歸程帆過荔支紅秋風悵望層霄
裏一紙佳音趁早鴻

泰雲堂詩集卷九

金鎖 孫爾準 平叔

朝天集

蒙

恩擢聞泉展

觀北行明蘊如山

葉健庵

世倬

馮紳泉王雲榭

楚堂

言可樵餞

送江千賦以志別

急遞除書促

觀寧傾城祖帳集江干也知小別歸期近其奈臨歧欲判難孤

宦一麾移瘴海六年千度夢

金鑾朝

天此日臣心切風雪嚴程不道寒

江行

未覺螺江江路長
愛看斜照倚危檣
沿江無限楓楠樹
紅盡能消幾夜霜

次韻答何耐亭

兆龍 孝廉見贈

一曲朱絲待賞音
良材誰爲采中林
棲遲莫悔功名晚
學問原隨閱歷深
看爾培風雙翮健
慚余垂雪二毛侵
中宵共聽荒雞舞
休忘郵亭此夜心

延平道中次耐亭韻

近午征衫陡覺輕
南風送暖弄新晴
山趨萬馬圍初合
江挾雙龍氣未平
路繞白雲參畫理
村排紅樹戀吟情
非關要恤興丁力
自愛高低磴碕行

水西

吹衣激激水風寒
喚渡沙頭夕照寬
隔岸山城如畫裏
最宜身在水西看

延津行

豐城獄底宵光紫
出地芙蓉爛如水
千年化去終合併
延津峽口雙龍騰
壯武當年稱博物
占星莫禳中臺圻
墓樹真同贈繫心
風塵不得周防力
神物顯晦自有時
倏來倏去養奚爲
鬚銜東市成何用
柄受南風正倒持
我到津頭空太息
沙平水落秋無跡
斗牛寶氣終不銷
張雷已去無人識

建陽郵館後軒臨水有濠濮之趣

候館層軒枕水隈
拂塵小住一裴裛
葢頭便作吾廬想
放眼兼令客抱開
秋淨山光排闥入
日斜樹影過溪來
明朝試問投何處
遙指高峯鳥道迴

坐月復賦一首

滅燭倚闌久月華初滿川遙天無去翮遠浦有歸船白露渾如
雨蒼山欲化煙每逢清影觸旅思倍淒然

過建陽

隔水先窺雉堞卑傍城斗轉路雙歧亭荒何處尋龍舌山好緣
知近武夷便合移家住圖畫料應絕學有留遺脂輶一宿徬徬
去回首含情說向誰

南浦懷江醴陵

自古銷魂地於今尙名驛我行兩過之聞名已愁劇文通去已
久賦語傳自昔江波不改綠草色幾回碧亭臬緬擊汰河梁想
飛鳥麗句出至情驚采動精魄荒哉史臣誣才盡漫拈摭管從
景純授錦任邱遲褻誦詩懜文采臨事見風格南司肅紀綱中

書炳文冊樵薪珥貂蟬艸檄吹鷲豕平生慕馬梁同儕適朏謝
草江封壤猶舊治榛蕪渺遺宅徒傳夢筆山流俗奚足責

道出浦城簡陳士竹

仲由宰蒲密入境三稱善魯恭治中牟仁心及婉孌古昔覘治
行目驗在親踐竭來過浦城頗覺風化腴道逢詢父老致答明
且辨浦城本劇邑置土實沃衍文學江淹遺道術西山闡俗吏
徇辦書隨事甘湓渙催科迫鞭筆昭傳困迎餞庸調屢告勞二
東歌璲朝賢侯太邱系蓄眼見亦鮮下車詢疾苦保障戒絲繭
三載去復來年深澤匪淺秋穫足困倉春疇脩鑄錢解留孳乳
犢戶擾生釐犬緹屬輸課租躋堂有致洗銜第恥鉤距聽獄無
留讞傳聞登薦牘題興待高逸去轍儻可攀車轄爭下鍵借寇
叫閭闔不憚足重趼我聞屢頌頤循績信彰顯君言無乃私致

用良已徧是豈百里才驥足方待展佐郡何足云亟予大州典

仙霞關

一峯千雲霄兩麓別風氣巖關雄鎖鑰天道劃南裔我來陟其
巔肩輿久軒輊罡風翼之升衣袂濕空翠人言左右顧聞越在
襟帶是時天久陰寒日吐復翳曾雲若波濤蕩搖翻大地世界
如陶輪已入三昧戲乃知置身高耳目反多蔽巍祠架中巖過
往客必詣我懶無所祈旁睨聊小憩轉憫僧雛忙香火鬧如沸
一一償其求神惠無乃費緬懷無諸初實取秦所棄建元發虎
符敏關始通騎反復屢置棋德薄不遠暨我
朝澤旁魄東西一侯尉關門豁達開刀錐競趨利民生通有無
筦鍵非善閉設險豈要圖慎語牙置吏

曉行

石滑路猶濕朝寒雨欲還糲餽雲氣裏無數米家山

贈江山令馮百史

成

早從難弟

菊人侍御
余僚婿也

倚筇釀今向河陽看種花上考不嘲廳事

竹鄰封先感楚亭瓜築場務畢農歸壑流水聲聞吏放衙驗取

使君清惠績淝東偏詠雨隨車

今歲浙省苦旱
江山獨豐收

蘭溪

雙溪合流處淨縠似波痕井邑居人靜江船趁市喧脯逾烏翅
好酒愛鬱金磨薄醉夢回後前峯聞夜猿

別家

三千驛路費思量計日舟興一月忙塔影先瞻標宰堵鄉音忽
喜滿河塘逢人須鬢驚吾老去日兒童似我長自笑淵明歸向
暫菊松三徑已全荒

聽雨示亦三弟

夙昔東坡愛此聲對牀遺恨負前盟六年此夕纔同聽腸斷明朝又遠行

到家

出山獸躑躅別林鳥啁啾鳥獸尙如此況我萬里遊迢迢六載歸卒卒五日留王事有程期征途一何修北風江上來浩蕩吹我舟揮手自茲去親朋遺道周洪濤越揚子曾冰積崑邱劈浪有迅棹駭駟無停輦丈夫忽臨歧肯爲兒女羞感念肝肺熱媿此商聲謳

松柏繞荒阡悲風颯蒼旻遊子戀所生銜哀拜墓道當年涕淚濡草色至今槁根荄恐達泉雖枯曷忍掃寢廬慙未能誓墓愧不蚤齋牛而會祭何如守營兆緬惟先世烈清芬勉克紹匪敢

絕裾行庶使宗祊保柳玘有遺誠令名以爲寶

我生有同氣存三已減四叔也湘之南縮符分半刺蕭然守環
堵最幼憐余季浮沈馬少游實惟門戶寄出入雖不同一體實
指臂所愧爲人兄不先魯丕更昨宵雨中聲對牀語無寐朔風
吹曉晴扁舟催鼓柁仰視天宇遙差池雁行還豈爲霜雪移不
念毛羽瘁終當投効歸共卧姜肱被夢詩得佳句讓果有同味
好爲樹枌欗願言不可棄

丹徒牖

丹徒牖口生莫潮萬艇浮動舳舻相敲大船起碇爭赴牖小船競
隙紛如逃糧艘魚貫塞京口冬寒水落泥沙膠支流一道勢旁
引估舶輳集如填壕是時天畔月霸死黑暗中但聞呼號檣傾
檣倒動交碎何似赤壁千軍鏖我雖堅坐元無王生死已付長

年操初牽百丈桅，旋旋入江溜。燈搖搖，衛丁歸，兌有程，限何事？歲晚停江皋，上遊燈穴決隄障。萬頃一抹成沃焦，汭梁不浸僅三版。碣石汨沒餘秋毫，蛟龍乘秋舞空濶。敢以一葦凌洪濤，江南苦旱江北潦。魚頭雁口同瞿瞿，水衡金錢出九府。羽檄百萬儲芻蕘，陽侯之波乍沈馬。蒼水使者方乘軺，何曾砥柱能下撻。浪說水關修上牢，河不兩行古有語。如針之水安容刀，轉般邸閣渺何處？三門舊跡荒，背茅滄瀾浮。天不送權旂，稻難轉雲帆。遙神倉傳殽，歲有額六軍。脫帽趨連駭，籛來漕輓關。大計彼何人哉？劉晏與刁雍，蘭臺白簡太毛舉。太和新法誰能條，江頭不寐聽鼙鼓。愁懷耿耿終寒宵。

阻雪

扁舟獨夜泊河渚，村僻無由買凍春。鋒雪瀟瀟殘燭暗，此時那

得不懷人

悔煞蘭橈不暫停誤人最是玉鈐經早知阻雪河干任何似圍
鑪掩閣聽

登車作

王家營北朝

天路屈指曾經廿一回逆旅主人善屢換棄繻關吏識重來驚
心歲月磨驢軌驢首風雲樞驥材自歎勞薪何事業黃金媿上
古高臺

過兗州

杜甫題詩處於今尙有樓蒼然太山色依舊滿城頭高詠誰能
繼長涂我獨遊躊躇不敢上驅馬過昭邱

道中遇大雪

天公憐我南州任六載來從無雪處特呼滕六舞迴風妝點梅
花千百樹市樓沽酒傾尊罍茆檐草舍皆蓬萊瑤瑤白鳳徧空
下徑思騎上軒轅臺尋常大道塵眯目驅車頓喜無纖埃接天
更無獸跡掠地但有鴉飛迴羶簾高揭忍寒坐看曳綈帶翻
銀栢少歲橫舟披鶴氅揚子江心恣奇賞中年給事白玉墀殿
閣崢嶸九天上當時見之夸最奇不如此度尤酣嬉綠蕪當面
化銀海青山射眼排瑤崑子猷棹返山陰夕韓公馬阻藍關時
不知此景相似否欲問試與吟新詩平生好奇見亦詫對此茫
茫無稅駕僕夫告汝但長驅走入玉壺原不夜

舊縣除夕

征鞍解後僕夫閑野店蕭條靜掩關度臘今年清絕處孤燈風
雪萬重山

過兗州賦贈盧厚山

地

天公興逸不可止玉戲翦盡銀河水大千世界盡一白城郭邱
陵在其裏居人鑿雪曉開門皓無一物真弔詭破車郭索從何
來車蓋全埋況車軌輾駒僵立僕御怨強策驚駘試鞭箠坦中
藏險那得知一落僂然深塹底爬沙出坎幸未傷袖手高岡目
相視淵明乞食知何門日晡不見炊烟起跬步畫地成狴牢此
身已分溝壑委故人高誼過孫宰忽遣興徒到泥滓煖湯濯足
招我魂取次迴顏有生理促坐傾觴釀梨栗絡繹中厨送珍簋
手足欲旋興漸豪陽氣浸淫透脂髓嗟哉人生可憐子泥塗咫尺
難自奮浪說追風日千里博山雲湧景龍升溟海風高大鵬
徙丈夫生世未遭逢蓬累而行詎爲恥要從利達看經綸豈屑
恩仇勞比擬一勺羊羹徒賈禍兩黥馬食真堪鄙多君廣廈胸

自儲媿我窮途賴有泚餓處如逢桑下人窮來豈必蘆中士願
君從此宏遠謨買駿何妨自隗始談深日脚射高軒忽掃愁霾
天亦喜明朝祭軌上車行作詩頌君如葛藟

揚州

珠簾十里是揚州好泛蜻蜓一葉舟二月江南春水渡一株楊
柳便風流

唐昌何處問瓊花垂柳隋隄噪暮鴉遊女不知哀怨意蹋青齊
上玉鉤斜

名園相倚接平山畫舫笙簫往復還欲訪冶春詩社蹟夕陽一
片土花斑

別故鄉郊行作

濕雲晨開漏微旭薺麥茫茫染空綠江南二月土膏香一雙胡

蜨低相逐十載思歸才得歸豈意歸來如寄宿何必真營負郭田
一蓑便卧清江曲

江山道中

古道平蕪接連畦秀麥參綠煙空際滿春色雨中含小住尋芳
舍趨途逐荷擔晚雲如有約一一入前嵐

山行

細草如茵勝織成午薰一路趁山程紅黃瑣碎花無數但是聞
香不識名

浮嵐低弄曉雲輕盡日青山影裏行忽見前峯添黛色春陰更
覺勝春晴

不辨風聲是雨聲客牀一夜夢難成曉來試拓西窗看始悟飛
湍石齒鳴

度仙霞嶺

還往經時路幾千最高應敗此峯巔春殘躑躅紅鋪地徑險簣
管緣到天濱海風煙芒屨底越閩形勝筭興前驚心忽訝南遷
久寺壁題詩已七年

泰雲堂詩集卷九